

向來關祝北斗星燈功德周圓伏以飛登道妙於函三執窺天寶析儀旨宣於正一爰露神機惟東陽崇臨下之網故垂象總受中之柄玉垣左燦制天政於九晨金闕前輝溥帝恩於六合權衡是賴靈籙無私今有齋主其

覺性命之根宗企玄元之闔域燈輝玉藻章唱金玄虹梁步接於紫雲鶴馭蹕移於璇極允孚帝監仰荷宸休伏願降豁落之華芒四魔滅跡挹元皇之正炁三景齊年與道合真為善最樂簪紱耀堆牀之笏詩書華插架之籤隴畝雲連倉箱星燦陽歡聲於庭戶襲世慶於曾玄萬善悉陶千祥加被祖宗超邁春屬安寧普及含靈俱登道岸為如上緣請

聖證明志心稱念福生無量天尊長生保命天尊延壽益算天尊不可思議功德

靈寶領教濟度金書卷之一百三十六

靈寶領教濟度金書卷之一百三十七

靈寶領教濟度金書卷之一百三十八

靈寶領教濟度金書卷之一百三十九

靈寶領教濟度金書卷之一百四十

靈寶領教濟度金書卷之一百四十一

靈寶領教濟度金書卷之一百四十二

靈寶領教濟度金書卷之一百三十七 問六

科儀立成品析極通用

南斗燈儀

步虛 灑淨 祝香

慶雲蒙結玉宇於玄虛霏霧羅敷騰金輝於碧落丹誠應感玄澤昭回以今恭焚寶香遥瞻供養

太上無極大道三清上聖三寶至尊南極長生大帝南極注生大帝南極老人壽德星君

南斗天府寶光王五玄上真道君天相丹精玄明寶室上真道君天梁靈璫寶耀赤天上真道君天同景明碧虛真王天德上真道君

天柱極真太玄寶仙玉皇太上帝上真道君天機紫宸絳房玄玄大帝玉真上真道君南斗

道德玄曹聖眾火鈴將軍六星童子齋主其建生本命元辰星君運限照臨一切星宰太歲尊神日直香官虛空監察應感神祇土地

真靈里域主宰仗此寶香普同供養伏聞大微三光之旋拱紫微而分政南極二儀之齋對北極以宣符凝精耀天廟之芒經度羅星紀之舍位尊太宰典樞機於三十六禽權領都曹職陰陽於七十二候御火配九先之運

處離參七政之衡萬象依光百靈受命朱綱玉緯妙寬寬以飛登翠蓋黃輿總人神而掌握賢明受爵金華宣廣靈光赫赫以陶鑄聖化巍巍而統制欲徵善應宜暢真宗今有齋主恭稟蒸塵龍宅心道域金紫書而稽首瞻

丹闕以馳神霞袂陸離翻三乘之瓊範雲光煒燁象六曜之金輝瑞煙騰綠鶴之祥芳談襲絳華之蒸花開景運燼落笑符伏願丹臺書名朱宮紀善映秋霄之璧月塵寂心空浴定水之珠蓮滌離性朗福並儀璘之大壽齊

潛霍之崇稽首皈依無極大道

臣眾等志心皈命南斗大聖天府司命真

皇君斗中神仙和諸靈官

伏以明德宮中儼丹玉絳華之闕司命府內仰上相鑲國之尊注紫炁以流亡臨赤天而

布政中監萬國上翼九霄立極膺符運祚權
 衡於鳳曆提封御宇域畿主宰於鴻圖下領
 人民旁司壽命建生推子午之位分野定全
 吳之鄉是為斗魁用司天政今有齋主去齋
 心事帝潔已瞻天皈命南斗大聖司命真皇
 君伏願玄澤下敷丹衷上御景星耀彩天開
 宇宙之符銀漢流輝人襲家庭之慶金穰應
 運玉燭宣和無札瘥天傷之虞集富貴康寧
 之壽群生穉穉萬兆熙熙稽首皈依虔誠讚
 詠

信禮高上太微垣南斗司命星君

南斗司命 流光度人 上朔九天 下總群倫
 六司定籍 名列丹天 玄綱所指 敷落靈真
 家國安鎮 萬壽一人 寬然清爽 與神同仁
 鎮國自然 上升玉宸 願得長生

臣衆等志心皈命南斗大聖天相司錄真

皇君斗中神仙和諸靈官

伏聞洞宮天中儼七寶藥金之闕天相府內
 御司錄鎮獄之尊注丹元以流芒御赤天而
 佐理案中是統域內攸司五嶽四瀆之崇靈

威統制三島十洲之遠聖化攝提中領神仙
 下臨地庶建生推丑未之位分野定會稽之
 鄉是為斗魁用司地政今有齋主恭齋心事
 帝潔已瞻天皈命南斗大聖上相司錄真皇
 君伏願洪照下頒素忱上達九天錫慶九圍
 昭仁壽之風八景垂精八極衍太和之治山
 靈薦瑞川右呈祥御萬姓以薰陶辟千殃而
 鼓舞百室盈止庶事康哉稽首皈依虔誠讚
 詠

信禮高上太微垣南斗司錄星君

南斗司錄 相火流光 華精固結 正炁當陽
 六司注籍 名列丹房 五嶽安鎮 八紘阜康
 辟除毒害 斷滅不祥 動用迪吉 與神同方
 鎮獄自然 上升玉堂 願得長生

臣衆等志心皈命南斗大聖天梁延壽真

皇君斗中神仙和諸靈官

伏聞含光宮中儼七寶丹珠之闕天梁府內
 仰延壽保命之尊注紫炁以流芒坐赤天而
 贊化主持性命裁判年齡金書開火視之基
 上同萬乘玉簡紀長生之篆下領兆臣推校

霜明銓量日赫建生推寅申之位分野定丹
 陽之鄉是為斗衡用司春政今有齋主恭齋
 心事帝潔已瞻天皈命南斗天梁延壽真皇
 君伏願民情上通天恩下映朱陽定錄並龜
 鶴以齊齡丹天標名等椿松而分福青春宴
 樂綠鬢光華風波絕塵外之憂日月水壺中
 之景詩書世澤文獻家聲稽首皈依虔誠讚
 詠

信禮高上太微垣南斗延壽星君

南斗延壽 天梁福星 飛晨合景 舍次通明
 六司掌籍 名列丹經 保固形命 攝精養神
 消災滅罪 注福延生 命齊日月 與神通靈
 保命自然 上升玉清 願得長生

臣衆等志心皈命南斗大聖天同益算真

皇君斗中神仙和諸靈官

伏聞柔德宮中儼玄天金明之闕天同府內
 御益算保生之尊注青炁以流芒居赤天而
 御政生成萬彙化育群生盡華夷海島之殊
 悉歸統部極動植飛潛之衆普藉陶鑄各保
 天年克延命址建生推卯酉之位分野定豫

章之鄉是為斗衡用司夏政今有齋主其齋
心事帝潔已瞻天皈命南斗大聖天同益算
真皇君伏願精意上昭靈光下濟金華定命
冰消障累於門闢玉醴流形雲擁蕃釐於步
武生根益固壽域宏開雲仍敷詩禮之風春
屬被絃歌之化四時寧謐萬事圓成稽首皈
依虔誠讚詠

信禮高上太微垣南斗益算星君

南斗益算位列天同清光普照生炁居中
六司注籍名列丹穹榮生添壽福慶無窮
靈光微妙無願不從駕景迎祥與神同宗
保命自然上升玉宮願得長生

臣眾等志心皈命南斗大聖天樞度厄真

皇君斗中神仙和諸靈官

伏聞寶光宮中儼霞陽洞神之闕天樞府內
仰度厄鍊魂之尊注絳炁以流芒端赤天而
布化職司錄籍權領樞衡水沼華池鍊形神
而超凌三界丹臺紫府削災厄而笑傲百齡
下典文章兼提爵位建生推展成之位分野
定廬陵之鄉是為斗杓用司秋政今有齋主

其齋心事帝潔已瞻天皈命南斗大聖天樞
度厄真皇君伏願宸渥下昭精忱上徹波澄
月瑩千炎無擾於靈臺塵寂鑑明五炁自朝
於玄谷形神俱妙道德長新靈光燦春序之
春瑞炁謁門闈之且南陵錫福北鬱消愆稽
首皈依虔誠讚詠

信禮高上太微垣南斗度厄星君

南斗度厄天樞尊靈祥光燦爛明徹金輪
六司紀籍名列紫閣迴骸起死鍊魂陶寬
藏府冲悅真炁長存萬災不干與神同群
鍊度自然上升玉門願得長生

臣眾等志心皈命南斗大聖天機上生真

皇君斗中神仙和諸靈官

伏聞天節宮中儼玄臺六華之闕天機府內
仰上生大理之尊注虹炁以流芒臨赤天而
贊政紀綱是職機要攸司總天人生死罪福
之編權衡有賴典地水善惡功過之目藻鑑
無私中領群靈下提萬地建生推已亥之位
分野定九江之鄉是為斗杓用司冬政今有
齋主其齋心事帝潔已瞻天皈命南斗大聖

天機上生真皇君伏願丹橋上閣清光下燭
歲功一十二月融福地以長春道炁百千萬
重陰壘天而不夜吉祥雲委統緞川增神風
蕩黑簡之名釐日煥金章之字壽符南極慶
叶東華稽首皈依虔誠讚詠

信禮高上太微垣南斗上生星君

南斗上生功顯天機神真三妙浮翔八微
六司理籍名列丹闈聲發響應形動影隨
生成萬靈監度兩儀長生道備與神同宜
上生自然上升玉輝願得長生

眾誦大呪旋繞一匝

南斗火宮煥照朱門主領壽籍陶鑄生寬
玉液鍊形黃華概根以樞校明以機定昏
以錄司週以命司存以梁承天以同把坤
中天大帝制御崑崙師傳相宰鎮離居尊
功分三炁算列百元為糧之斗為天之藩
維人之數維時之暉萬寶是賴五福之源
生生不竭終始流恩
福生無量天尊
向來關祝南斗星燈功德周圓伏以陽之經

陰之緯昭四極以凝輝天之北地之南連六
司而佐政鶴鳴啓運龍御傳芳惟人最靈式
昧機祥之應在天成象蓋彈椽楹之忱今有
齋主某深雪精神瞻依道德列金缸而象斗
丹敲焚煌適玉宇以瞻星紫煙縹緲復宸澤

無私之惠儼天威如在之恭藥笈一周雲韶
九奏伏願靈源輝潤性海澄清大帝垂祥注
生名於丹簡老人呈瑞開壽址於青編圓十
三義象之經營副九五箕疇之志願詩書有
耀簪紱聯榮德星永照於家庭慶雲長臻於
眷序芝蘭秀發榮梓熙平祖玄無塚訟之憂
品類沐陶鎔之樂為如上緣請
聖作證志心稱念福生無量天尊和不可思
議功德
靈寶領教濟度金書卷之一百三十七

靈寶領教濟度金書卷之一百三十八

洞微高士開光教苦具人壽全具授
靈寶道玄弘教水南先生林聖具編

科儀立成品祈禱通用

十一列曜燈儀

步虛 灑淨 祝香

祥靄珠華碧霧飛騰於紫界光浮翠蓋玄雲
洞煥於蒼霄露網上通天休下錫以今恭藝
寶香選瞻供養

太上無極大道三清上聖三寶至尊北極紫
微大帝勾陳天皇大帝太丹炎光鬱儀上皇
道君太陰黃華素曜元精聖后上皇神母東
方歲星始陽上真青皇道君南方熒惑丹火
朱陽赤皇上真道君西方太白太素少陽白
皇上真道君北方辰星太玄陰元黑皇上真
道君中央鎮星中黃真皇上真道君神首羅
暎真君神尾計都真君天一紫炁真君太一
月宇真君星中道德真君聖東齋主某本命
元辰建生星斗君運限照臨一切真宰太歲
尊神日直香官里域土地虛空靈察感應靈

司仗此寶香普同供養伏以祖炁混茫抱玄
黃於象外元功恢廓羅經緯於案中煥三景
以旋飛燦五精而周布紫霄壁合玉宇珠聯
授時崇七政之名錫範定五紀之目是實是
夜運晦朔望之輪東陽東陰正逆順伏留

之軌傾光有赫垂象無私三寶膏沐於神輝
九執宣揚於暗曜青羅蒼運黃老開圖握化
機而周四七之躔災祥并井司天符而定十
一之數機音昭昭拱帝座於天心提民生於
地面登晨奔景孰窺神化之玄微視復考祥
壺運蕃榮之妙密今有齋主某夙欽道日辛
際真風九思殫微福之恭三省聲知非之悃
銀缸設像列丹誠以焚煌寶篆騰芳御紫煙
而縹緲瓊科演妙玉籙通玄肅鸞序以瞻天
叩鴻鈞而請命伏願丹忱日監玄澤天開玉
樹龍憲茂四時之景福金花鬱勃延千歲之
脩齡稽首皈依無極大道
臣某等志心皈命日官大聖太陽鬱儀帝
君宮中神仙和諸靈官
伏聞寶池映郭金門耀彩於祥連碧海飛輪

11071A D-1